

Projekt sufinansiranja zapošljavanja i samozapošljavanja djece šehida/poginulih branitelja 2025

JU Služba za zapošljavanje Zeničko-dobojskog kantona u saradnji sa Federalnim zavodom za zapošljavanje i Ministarstvom za boračka pitanja Vlade Zeničko-dobojskog kantona, počinje realizaciju Projekta sufinansiranja zapošljavanja i samozapošljavanja djece šehida/poginulih branitelja 2025. Projektom je predviđeno zapošljavanje i samozapošljavanje djece šehida/poginulih branitelja bez obzira na stepen stručne spreme prijavljene na evidenciju nezaposlenih Službe za zapošljavanje ZDK dan prije zaključivanja ugovora o radu sa poslodavcem (zapošljavanje), a u slučaju pokretanja vlastite djelatnosti, osobe koje se nalaze na evidenciji Službe bez obzira na stepen stručnog obrazovanja i starosnu dob, koje se nalaze na evidenciji Službe prije podnošenja zahtjeva, a koje će nakon prijave registrovati u Federaciji BiH i odrtžati samostalnu djelatnost/privredno društvo, u trajanju od najmanje 12 mjeseci, kao i osobe koje su bile zaposlene po programima iz prethodnih godina, maksimalno 35 mjeseci kod istog poslodavca ili 24 mjeseca kod različitih poslodavaca. Projektom je određeno sufinansiranje zapošljavanja u iznosu od 900 KM mjesečno po osobi sa VSS, te iznosu od 800 KM po osobi sa ostale stepene stručne spreme u drajanju do 12 mjeseci. Nezaposlene osobe sa kojima se zaključi ugovor o sufinansiranju samozapošljavanja, bez obzira na vrstu djelatnosti/društvo, ostvaruje pravo na poticajna sredstva u iznosu od 900 KM mjesečno na period do 12 mjeseci. Ukoliko

korisnik u okviru pokrenute djelatnosti/društva, osim sebe zaposli i neku drugu osobu prijavljenu na evidenciju nezaposlenih iz ciljane skupine, mjesečno će mu se isplaćivati/refundirati sredstva u iznosu od 900 KM mjesečno po osobi sa VSS, te iznos od 800 KM po osobi za ostale stepene stručne spreme u trajanju do 12 mjeseci.

U Projektu ne mogu učestvovati:

- poslodavci koji su koristili kreditna sredstva iz poticajnih mjera Zavoda/Službe, a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika i ne vraćaju redovno dobivena sredstva;
- poslodavci koji ne izmiruju redovno obaveze po osnovu poreza i doprinosa ili koji nemaju potpisan sporazum sa Poreznom upravom Federacije BiH o izmirenju duga po osnovu poreza i doprinosa;
- poslodavci evidentirani u Registru novčanih kazni zbog duga neplaćenih novčanih kazni i troškova postupka, jer sa zaposlenikom nisu zaključili ugovor o radu (rad na crno).

U Projektu (samozapošljavanja) ne mogu učestvovati osobe koje su odjavile djelatnost/društvo u periodu od šest (6) mjeseci prije apliciranja na Projekt.

Za realizaciju Projekta predviđena su sredstva u ukupnom iznosu od 300.000 KM, od čega 150.000 KM osigurava Vlada ZDK putem Ministarstva za boračka pitanja ZDK, a 150.000 KM osigurava Federalni zavod za zapošljavanje. Javni poziv će biti objavljen 08.09.2025. godine i ostaje otvoren do utroška sredstava. Prijave će se zaprimati u vremenu od 07:30 do 15:00 sati u općinskim biroima rada.

U nastavku možete preuzeti tekst Projekta, kao i obrasce prijave na isti.

Projekat sufinansiranja zapošljavanja i samozapošljavanja

djece šehida poginulih branitelja 2025

Obrazac Prijave – samozapošljavanje

Obrazac Prijave – zapošljavanje